

■ COLUMNA

## Ma laschai en paus

DAD AITA DERMONT-STUPAN

Vairamain ans vegni mussà tut il cuntrari: Esser bunas cun noss conumans, esser charas, far plaschair, gea leger ils giavischs or dals egl als auters, prender re-sguard, obedir... Insumma, nus emprendain d'ans drizzar suenter ils auters. D'ans occupar cun nus, da tschertgar noss agens gusts e cunfins na vain nus gnanca la schanza. Noss'intuiziun è degenerada, nossa persvasiun sutsviluppada.

U schia poni far tge ch'i vulan cun nus. I ans surchargian cun chaussas che nus gnanc na vulessan. Quai vegn fatg a moda fitg raffinata: I ans vegn servì tut sin il tablet d'argent. E nus avessan da dir: na. «Na, nus na vulain betg quai che vus dais, nus vulain



quai che nus vulain sezzas.» E tge vulain nus?

Tge vi jau? Oha, – ussa sun jau en la merda – jau na sai betg tge. U jau na sai betg dir tge. In zic pli simpel èi almain da savair tge ch'jau na vi betg. E qua vi jau

ma defender sco in uffant stinà. Ma jau ma lasch adina puspè glischar ils egl e tschiffer. Permanentamain na pos jau simplamain betg esser qua e metter tut en dumonda!

Cura è quai stà che jau sun vegnida natiers cun in radiosvegliarin? Ussa ma stira quel mintga bunura or da la sien cun in toc musica – darar gist in da mes tocs preferids – u insatgi che baterla insatge ed engola uschia mes patratgs matutins. Ed il radio m'accumpogna davostier tutta di.

Durant l'avantmezdi port'il postin ina pluna prospects, gasettas, catalogs, revistas, la mesadad rauba che jau n'hai mai empustà. Be svelto in sguard. Ed jau stun bler memia ditg a leger merdarias. Sin ina pagina dubla en

colur èn las acziuns. Prender l'auto e gist ir a cumprar quai e damai che jau sun gist qua anc tschai e l'auter. Tut è gea usche bain en parada. La stizun è ussa engrondida ed ins na senta betg la fulla da glied. L'atmosfera è empernaivla (musichina). Jau na sun betg suletta. Vom cun mes char plain, scuntr er Berta e Maria. El las discurren d'in nov curs. Fashainsa er!

Suenter tschaina televisiun. Sch'i n'è er betg tut bel, quai ch'i mussan. Boom bom, anguscha, o dolor. Qua vain nus lura anc bun. Also taschair chamön ed ir a durmir. Jau sun stancla.

U schia van ils dis senza paus u ruaus. Jau avess da scriver ina columna e na sai betg co pi-

gliar per mauns. L'incumbensa da scriver columnas per la gasetta è sco in invit da sfunsar en mamezza. Ed jau stos cumbatter cunter tut las influenzas exteriuras che m'impedeschan da far quai. Mintga giada survegn jau panica cur che jau na chat betg l'access en mai u che jau tem ch'i saja tut vid. «Jau na scriv pli!»

Be il termin fixà ma dat il davos il tausch da ma sfurzar giuaden en mes mar. E qua èi vairamain anc fitg spannegiant. Cun sdovlar e tschertgar a forza da dai rabbitsch jau insatge da mai a la surfatscha. Quai dat in bun sentiment.

Ussa avess jau gust da stuschar. Uer tai ina giada en tes mar. Guardar tge che ti vegnissas si cun tut.